

范成

陳璘 任吏科
給事中

林源

吳用敬 任吏
目

魏子成 任照
磨

張壬

申儀 任縣
丞

陸瑀

池璞 任知
縣

張記善

邵潜

張壽

周道

邵建初 任判官
初

吳賢 任南康縣
學訓導

池郁 任龍江
衛經歷

邵良

游沐 任贛州
府經歷

池廣

吳壽 任新安
衛知事

趙熙 見人
物志

吳義 見人
物志

倪潤 任桃源
縣丞

林懷德 任池州
府照磨

黃鼎 任羅城
縣丞

錢渲

楊材 任永豐
縣知縣

吳應

管瑛

謝恒

邵銘海 任知
事

沈安 任知
禮事

林珪 授七品
散官

張輝 任主
簿

張敬 任安遠
縣知縣

吳政 任翁源
縣知縣

吳富 任主
簿

陳輔

王達

吳完任訓導

魏斐任都昌縣學教諭

吳懿任肇慶府推官

陳廣

吳墉任無錫縣丞

吳福

周華

盧翊

吳龍

池華任典史

吳鏐

吳温

余先覺任訓導

徐善

王宗儒任亳縣學訓導

吳時順任訓導

吳慶

趙大有任訓導

倪珣

壽寧縣儒學

王憲

倪曉任贛州府學訓導

黃俊

項英

張琛任郴州同知

陳寧任清河縣學訓導

周良任永嘉縣主簿

陳忠任平陽縣學訓導

吳泰

金英任永豐縣丞

朱啓任丹徒縣學訓導

童璿

林塗

朱奎

龔世祿

陳仕

張資

林度

恩例

國朝

建寧府儒學

正統十二年

謝芳

任山東都司斷事

劉壽

任主簿

葉普

任香山縣丞

趙從泗

周行

任玉山縣主簿

鄒觀

任布政司都事

天順六年

虞慶

任南京龍江關大使

陳觀

任唐縣學教諭

唐鐸

任宜春縣學訓導

丘福

任太興縣主簿

李銘

劉海

任官

全福

任泰寧縣學教諭

張政

任河泊所官

池瑛

任縣主簿

連鐸

江從東

任縣主簿

張華

任廣昌縣主簿

田麟

任永康縣學訓導

連仕清

任清河縣知縣

朱相

成化二十年

楊昂

建安縣儒學

正統十二年

張景安

周敏

張安任温州府同知

天順六年

張慶

楊增

劉祿任上海縣丞

魏恕

謝賜

董志亮

甌寧縣儒學

正統十二年

濮通

天順六年

徐淵

王文恭

杜宣任六安州學正

張善任巡檢

徐護任雲絲學訓導

吳員任典史

浦城縣儒學

成化二十年

龔文

張諤

建陽縣儒學

天順六年

官清任林皋縣學教諭

李鏞任潮州府檢校

施瓚任布政司都事

劉鑑

詹洪 任武康縣學訓導

黃倫

吳政

余慶 任衛州經歷

李諒 任吏目

詹鑑 任吏目

崇安縣儒學

成化二十年

范俊

暨紳

李魁

壽寧縣儒學

天順六年

吳富

薦辟

宋

吳文靖 以文詞薦殿中丞

吳文秀 以文詞薦任比部郎中已上俱建安人

游安時 以八行薦任知縣

游安祉 以孝行薦任建安司理

童慶仲 以明經薦任泉州推官已上俱甌寧人

元

葉文興 以賢良薦任鹽課提舉司提舉

黃麓 以學行薦任沙縣縣丞

國朝

黃克和 以明經薦任鉛山人

呂桂 安溪縣尹 游欽 建陽縣尹

詹景仁 總管已上俱崇安人

楊伯祥 建安人 以人才薦任留守右衛知事

林原禮 工部主事 以楷書薦任

黃勝 衢州府知府 以楷書薦任

黃溥 戶部員外郎 以楷書薦任

吳節 吏科給事中 黃瑞 南寧府知府 以人才薦任

任員 青城縣主簿 以人才薦任

葉機 縣儒學訓導 以明經薦任

童保 獄已 俱既寧人 以人才薦任

繆炅宗 賢良方正 以新賢城縣主簿

葉子茂 按察司僉事 以人才薦任

徐善安 按察司僉事 以人才薦任

潘至善 撫州府知府 以人才薦任

黃谷華 武昌府通判 以人才薦任

東彥名 和縣知縣 以人才薦任

徐彥麓 知縣 以人才薦任 俱浦城人

李文我 縣儒學訓導 以明經薦任

熊圭 以明經薦任本

鄭悅 以人薦任本
游鈺 以人薦任

盧欽 以明經薦任

李遠 以能書薦任武義縣

傅小巖 以明經薦任本

葉均祐 以明經薦任本

李子傳 以明經薦任本

柯子遠 以明經薦任

龔遂父 以人薦任處州府

彭時中 以明經薦任

方仲文 以明經薦任

張仲誠 以人薦任

陳常 以人薦任
游福 以人薦任

朱明善 以人薦任

雷承 以人薦任

蔭補

朱塾 以建陽人薦任

劉瑛 以弟仕郎
劉珣 以子從子以蔭

劉瑾 以子從子以蔭

劉學古

珙從子以蔭補臨桂縣知縣

劉學雅

珙子以蔭補南雄州通判已上俱崇安人

國朝

朱挺

見人志

楊貴芳

榮子以蔭補中書舍人

朱燾

翰林院五經博士

雷文英

潛子以蔭補國子監生任雲和縣丞

楊昂

榮曾孫以蔭補國子監生已上俱建安人

滕弘

臨寧人員子以蔭補國子監生任邵陽縣知縣

吳鏐

政和人廷用孫以蔭補國子監生任潮州府經歷

建寧府志卷之二十二

人物

建寧山水清峭刻厲鬱積而崇深靈淑剛大之氣蘊之數千百年而始發於宋至南渡而大發五劉之忠胡蔡朱真之道學卓然獨步今古其流風所及則又薰而為名人碩士項背相望以至於今不衰何其盛也今采拾為人物志首之以道學以其有功於斯道也次之以各臣以其有功於社稷也又次之以良吏以其有功於吾民也若忠烈之委身殉國風節之廉貪立懦儒

劉學古 珙從子以蔭補臨桂縣知縣

劉學雅 珙子以蔭補南雄州通判已上俱崇安人

國朝

朱挺 見人志 楊貴芳 榮子以蔭補中書舍人

朱燾 翰林院五經博士

雷文英 潛生以蔭補國子監生任雲和縣丞

楊昂 榮曾孫以蔭補國子監生已上俱建安人

滕弘 臨寧人員子以蔭補國子監生任邵陽縣知縣

吳鏐 政和人廷用孫以蔭補國子監生任潮州府經歷

建寧府志卷之二十二

人物

建寧山水清峭刻厲鬱積而崇深靈淑剛大之氣蘊之數千百年而始發於宋至南渡而大發五劉之忠胡蔡朱真之道學卓然獨步今古其流風所及則又薰而為名人碩士項背相望以至於今不衰何其盛也今采拾為人物志首之以道學以其有功於斯道也次之以各臣以其有功於社稷也又次之以良吏以其有功於吾民也若忠烈之委身殉國風節之廉貪立懦儒

林之有言有行武功之智勇文苑之辭藻又次之以至若仕若隱若孝友若貞節若流寓之賢其間凡有一善可書足為世勸者皆以次紀之乃若行姦誤國肆惡毒民失節敗度為鄉邦羞者雖顯宦並在所削其有雖無過可舉而才位俱未顯者則亦未暇悉錄云

道學

宋

游酢字定夫建陽人與兄醇俱以文行知名程頤見之謂其資可與造道程顥知扶溝召酢職學事酢往從之得其微言於是盡棄其學而學焉與謝顯道楊時並稱高弟元豐六年登進士第調蕭山尉縣有疑獄不決酢攝縣事一問得其情而釋之精練如素宦者用薦召為太學錄遷博士知河清縣范純仁判河南待以國士及移穎昌辟為府學教授既入相復除酢太學博士純仁罷政酢亦請外除齊州兪判徽宗立召還為監察御史出知和州漢陽軍歷舒濠二州所至有惠政民戴之如父母去後思不忘後寓歷陽而卒程頤嘗

稱酢德宇粹然學問日進政事亦絕人遠甚
楊時誌其墓謂酢不為世儒之習誠於中形
於外儀容辭令燦然有文望之知為成德之
君子也所著有易說詩二南義中庸義論語
孟子雜解及文集十卷行於世

胡安國字康侯崇安人生有異質七歲為小詩
有以文章道德自任之意年十五游學廣信
越兩年與計偕入太學與程頤門人朱長文
靳裁之講論經史大義紹聖四年登進士第
時方崇復熙豐之政安國廷對獨推明大學
格致誠正脩齊治平之道宰執以其不諂元
祐降其等祐宗命再讀之稱善親擢為第三
上問以誰為師對曰久在太學廷臣以為名
對崇寧間提舉湖北學未上改使湖南時蔡
京惡其不為已用以誣置獄湖南帥臣曾孝
廣謂人曰胡康侯當患難而聲色不動賢於
人遠矣竟除名既而事白復官召至京卧疾
謁告歸宣和初丁父憂既免喪曰吾奮迹寒
鄉為親而仕今雖有萬鍾之祿將焉用哉遂
稱疾築室先塋傍將終身焉宣和末侍臣李

彌大等合薦先生經術可用兩除不就後除
起居郎朝旨屢趣其行至京以疾在告靖康
初召見奏曰明君以務學為心聖學以正心
為要又乞定國論以覘中興上首肯之召試
詞掖後臣僚登對上每問識胡安國否中丞
許翰對曰雖未識面然聞名久矣自蔡京得
政士大夫無不入其籠絡超然遠迹不為所
汙惟安國一人而已上嘆異遣中書舍人晁
說之詣館舍勉令受命尋除中書舍人在省
甫一月告日居半每出必有論列或曰書之

小者盍置之安國曰大事皆起於細故今以
小事為不必論至於大事又不敢是無時可
言也既而為唐恪輩所擠遂去國至襄陽虜
騎已薄京城長子寅方校書中秘賓客每為
安國念之安國愀然曰主上在重圍中彌令
不出卿大夫之辱也予恨効忠無路敢念子
乎高宗登極安國言崇寧以來國有九失援
春秋為證書上召為給事中再召不至紹興
初遣使至所居起之進時政論曰定計建都
設險制國卹民立政覈實尚志正心養氣宏

度寬隱上命促召未至復除給事中入對就
職旬日以疾求去上曰聞卿深於春秋方欲
講論遂以左傳付安國點句正音安國奏春
秋經世大典左氏所載繁碎陛下必欲削平
僭暴克復寶圖莫若潛心聖經上稱善除蕪
侍讀專講春秋時講官四人援例乞各專一
經上曰他人通經豈胡安國比坐論朱勝非
積忤呂頤浩奉祠宰執臺諫交章留之不報
久之除知永州再與祠今纂脩所著春秋傳
先是王安石廢春秋逮崇寧防禁益甚安國

留心此經初得程頤所傳益自信研窮三
十餘年常曰此得心要典也至是再加訂正
凡十餘萬言繕寫以進上屢言此傳深得聖
人之旨非諸儒所及也除侍讀諫官李公輔
方詆程氏學安國奏曰孔孟之道不傳久矣
自頤兄弟始發明之今使學者師孔孟而禁
不得從頤學是入室而不由戶本朝邵雍張
載程顥程頤皆世所尊師乞加之封爵載在
祀典仍頒行其書使邪說者不得作奏入臺
臣希宰相風旨交章詆之已而言者皆罪斥

特除寶文閣直學士降詔褒諭卒累贈至左
太中大夫謚文定安國強學力行以聖人為
標的其教人以立志為先以忠信為本以致
知為窮理之原以敬為持養之道所與遊者
游酢謝良佐楊時而劉奕向子韶曾開唐恕
朱震相與尤厚良佐嘗曰胡康侯如大冬嚴
雪百草萎死而松柏獨秀者也河東侯師聖
言必稱二程他無所許可及覲安國言行不
覺嘆服語同志曰吾以為志在天下視不義
富貴如浮雲者二程而已不意復有斯人也

安國自筮仕凡四十年在官實歷不登六載
中間數以事去崇寧以來出處甚明被遇明
君執經入侍其正論宏義足以扶三綱明大
義抑邪說正人心可謂有功於斯文矣所著
有經進時政論二十一篇春秋傳若干卷武
夷集十五卷資治通鑑舉要補遺一百卷

國朝正統間詔從祀孔子廟庭成化三年追封建

寧伯

胡憲字原仲崇安人安國從子生而沈靜端慤
稍長從安國遊獲聞程氏之說後以鄉貢入

太學會洛學有禁乃與劉勉之陰誦竊講又
與劉子翬更相討論問易於譙定久而嘆曰
所謂學者非克己工夫耶一意下學不求人
知從臣折彥質等上其行義被召以母老力
辭乃賜初品教授建州士風丕變會丐祠久
之起為秘書省正字時年七十五抗疏言金
人大治汴京宮室勢必敗盟非張浚劉錡莫
能當願亟起用之臣死不恨疏入即求去方
憲之赴召也適秦檜諱言之後與王十朋馮
方查齋李浩相繼論事太學生為五賢詩歌
之人益信憲不苟出而惜其在位未久不究
厥施朱熹呂祖謙林之奇魏掞之熊克曾達
皆從之游熹狀其行自謂事先生為最久周
必大亦謂元晦事原仲如父盡得其言行之
美祖謙誄之有曰內聖外王混融同歸服膺
師門是則是效學者稱籍溪先生卒謚靖肅
所著有論語會義諸書行於世

胡宏字仁仲崇安人安國季子素以人傑自許
人亦以是許之授學家庭聞伊洛之說欣然
心會遂編集河南語為程子雅言序而藏之

行思坐誦寢食不置既冠遊太學與樊光遠
張九成友善執經於楊時又從侯師聖遊紹
興間應詔上書論復仇大義忠憤剴切累數
千言有曰二帝劫於讎敵其願陛下加兵敵
國猶饑渴之於飲食引領東望九年于茲夫
以踈賤痛心於此尚欲有為况陛下當其任
乎末言陳東馬伸以直言正論死而未聞誅
一奸邪黜一諛佞是雖當時輔相之罪然以
天子威靈不能保二三腹心耳目之臣以自
輔助顧令奸邪得而殺之竊傷陛下威權之
不在己也宏初以蔭補以秦檜當國不仕檜
死被召以疾辭卒於家著書曰知言門人張
栻謂其言約義精道學之樞要制治之菁蘊
也詩文五卷皇王大紀八十卷學者稱為五
峯先生

劉勉之字致中號草堂崇安白水人開府滋曾
孫也父元振遊太學呂大臨游酢皆與為友
勉之初詣太學時方禁挾元祐書勉之求得
每於深夜潛抄而默誦之復從譙定授易遂
厭科舉業棄錄牒歸道南都見劉安世過毗

陵見楊時聞不妄語毋不敬之說抵家即翫
峯下結草堂與胡憲劉子翬講肄其中紹興
初舍人呂本中疏薦召詣闕時秦檜方主和
恐山林之士持正論不引見上第令策試後
省給札而已勉之即謝病歸杜門十餘年學
者踵至勉之隨其材品而教語之學者稱為
白水先生友人朱松卒屬以後事且戒其子
熹受業於其門勉之經紀其家而教熹如子
復以女妻之熹卒為儒宗勉之啓之後居建
陽蕭屯卒有文集若干卷藏于塾

劉子翬字彥冲崇安人幹季子也以蔭補承務
郎辟真定幕府幹死靖康之難子翬痛憤家
國之變哭墓三年服除倅興化尋以病辭歸
屏山潭溪之上自號病翁不出者十七年間
走父墓泣涕嗚咽或累日不返妻死不再娶
事繼母及兄子羽孝友備至子羽子珙幼嗜
學子翬教之卒有立與胡憲劉勉之為道義
交憲之言曰予與彥冲居相鄰世相好而臭
味又同每見必有所益勉之亦曰有質疑而
取正每虛往而實還朱松病革屬其子熹師

之熹嘗問入道次第子輩告以易之不遠復者乃吾三字符也佩服周旋罔敢失墜於是嘗作復齋銘聖傳論以見志又嘗謂復卦易之門戶學易者當自復始子輩天資卓異屬意高深於書無所不讀語不妄發鄉人子弟來見必告以孝弟忠信之道而勉其學業學者稱為屏山先生卒謚文靖有文集二十卷朱熹字元晦一字仲晦世為徽之婺源人父松尉尤溪而熹生松卒稟學於胡憲劉勉之劉子輩三君子之門紹興十八年中進士第

左迪功郎泉州同安簿往見延平李侗而師之盡得聞所傳河洛之懿侗稱之曰樂善好義鮮與倫比又曰穎悟絕人力行可畏尋之同安長吏事倚以決苟利於民雖勞無憚選邑之秀民充弟子員日與講說聖賢脩己治人之道聞其風者已知學之有師秩滿丐祠奉母兩被召不赴孝宗立應詔上封事言帝王之學不可不熟講脩攘之計不可不早定本原之地不可不加意帝王之學必先格物致知以極事物之變使義理所存纖悉畢照

則自然意誠心正而可以應天下之務又曰
今日之計不過脩政事攘夷狄然計不時定
者講和之說疑之也又曰四海利病係斯民
休戚斯民休戚係守令賢否監守者守令之
網朝廷者監守之本本原之地亦在朝廷而
已隆興初復召入對垂拱殿三劄申言封事
之意而加剴切湯思退方倡和議除武學博
士請祠除樞密院編脩官待次已而大臣相
繼論薦皆不赴起知南康軍疏言天下之務
莫大於卹民而恤民之本在人君正心術以
立紀綱反覆千百言極陳近習蒙蔽之狀以
疾丐祠不報條三事以教民每五日一詣學
講說復建白鹿洞書院會亢旱脩舉荒政民
無流殍除江西提舉改浙東乞頒行建安社
倉之法復值旱蝗其措置一如南康條奏災
異之由與脩德任人之說凡七事至部訪民
隱舉荒政劾台守唐仲友章凡十上時仲友
為宰相王淮同里且姻家改江西憲尋兩易
江東俱辭鄭丙陳賈希淮意上疏毀程氏學
以陰沮熹於是奉祠凡五年復除江西憲趣

奏事有要之於路以正心誠意為上所厭聞
戒以勿言者熹曰吾平生所學只有此四字
豈可回互以欺吾君乎入奏終篇有曰願陛
下自今以往一念之頃必謹而察之果天理
邪則敬以充之而不使少有壅闕果人欲邪
則敬以克之而不使少有凝滯推而至於言
語動作之間用人處事之際無不以是裁之
則聖心洞然中外融徹而天下事將惟陛下
所欲為無不如志矣除兵部郎官以足疾辭
會侍郎林栗與熹論易及西銘不合劾熹坐

失民情之休戚而又因以察人才之邪正長
短廢於天下之事各得其理又乞遵行孝宗
通喪之禮及議僖祖不當祧一日進講畢上
曰看來緊要處只在求放心耳熹頓首曰陛
下拈出此語正是聖學要領願今以見於實
行不患不為堯舜之君也時韓侂胄自詭有
定策功居中用事熹憂之上疏斥言左右竊
柄之失在講筵復申言之未幾以寶文閣待
制補郡已而籍偽學褫職罷祠慶元六年三
月甲戌以疾卒熹登第五十年仕於外者僅

九考立朝纔四十日而閒居者四十餘年山林之日長講學之功深其學大抵窮理以致其知反躬以踐其實而以居敬為主其所著述則章旨字義至細至微莫不理明詞順易知易行使聖賢相傳之道一旦豁然如大明中天可謂集諸儒之大成而繼往開來者也初依劉子羽居崇安晚遷建陽之考亭後結草堂於蘆峯之雲谷扁以晦菴亦號雲谷老人既又創竹林精舍更號滄洲病叟最後因筮遇遜之同人更名遜翁所著有周易

失民情之休戚而又因以察人才之邪正長短廢於天下之事各得其理又乞遵行孝宗通喪之禮及議僖祖不當祧一日進講畢上曰看來緊要處只在求放心耳熹頓首曰陛下拈出此語正是聖學要領願今以見於實行不患不為堯舜之君也時韓侂胄自詭有定策功居中用事熹憂之上疏斥言左右竊柄之失在講筵復申言之未幾以寶文閣待制補郡已而籍偽學褫職罷祠慶元六年三月甲戌以疾卒熹登第五十年仕於外者僅

九考立朝纔四十日而閒居者四十餘年山林之日長講學之功深其學大抵窮理以致其知反躬以踐其實而以居敬為主其所著述則章旨字義至細至微莫不理明詞順易知易行使聖賢相傳之道一旦豁然如大明中天可謂集諸儒之大成而繼往開來者也初依劉子羽居崇安晚遷建陽之考亭後結草堂於蘆峯之雲谷扁以晦菴亦號雲谷老人既又創竹林精舍更號滄洲病叟最後因寇遇遯之同人更名遯翁所著有周易本義

啓蒙著卦攷誤詩集傳遺說緒說大學中庸

章句或問論語孟子集註太極圖傳通書解

西銘解義楚辭集註辯正後語韓文考異叅

同契解刊誤所編次有論孟集義初名要義改名精義

後改今名中庸輯畧孟子指要孝經刊誤小學通

鑑綱目宋名臣言行錄家禮近思錄程氏遺

書外書伊洛淵源又有儀禮經傳通解未脫

稿沒所為文凡一百卷門人語錄百二十卷

行於世侂冑既誅朝廷復熹官贈寶謨閣學

士謚曰文理宗朝贈太師追封信國公改徽

國從祀孔子廟庭又勅立建安書院以祀之
國朝景泰間改建祠於紫霞洲錄其嫡裔世襲翰
林五經博士以奉祠事其贈謚從祀悉如宋
舊

魏掞之字子實初字元履建陽人幼師胡憲與
朱熹為友試禮部不第嘗客衢守章傑所傑
嘗困趙鼎子汾掞之以書責傑長揖徑歸築
室讀書榜以艮齋乾道中舉遺逸懇辭宰相
陳俊卿招之甚力乃以布衣入見極陳當時
之務大要勸上以脩德業正人心養士氣

恢復之本賜出身守太學錄請慶王安石父
子從祀追封程顥程頤列于祀典不報復言
大學之教且以德行經術為先其次則通習
世務今身守以空言取人又不報曾覲秩滿
還至國門外掞之累疏以諫復遺書俊卿責
其不能揀止遂以迎親請歸行數日除台州
教授既歸歎曰君恩深厚如此而吾學不足
以感悟聖意乃日居艮齋以求所未至屬疾
以書召朱熹至委以後事而沒後上思其直
諒贈直秘閣子應仲從熹游

蔡元定字季通建陽人少穎悟父發以二程張邵四子遺書授之元定深涵其義及長識見益精登西山絕頂忍饑啖齏讀書凡天文地理禮樂兵制度數無不通貫古書盤錯肯綮學者讀之不能以句元定爬梳剖析細入秋毫聞朱熹名往師之熹扣其學驚曰此吾老友也不當在弟子列遂與對榻講論諸經奧義四方來學者必令先從元定質正焉熹移寓建陽元定亦遷居后山里舍相望元定每謁熹必留數日往往通夕對床不寢熹嘗曰人讀易書難季通讀難書易又曰造化之妙惟深於理者能識之吾與季通言而不厭也熹釋四書及著易學啓蒙諸書皆與元定往復論辯而後定太常卿尤袤秘書監楊萬里皆論薦以疾辭築室西山為終焉計寧宗即位韓侂胄設偽學之禁熹首被黜併及元定謫道州聞命即就道熹與從遊者數百人餞別蕭寺中坐有感泣者熹微視元定不異平時嘆曰朋友相愛之情季通不挫之志可謂兩得之矣次日熹與宿於寒泉精舍共訂叅

同契終夕不寐遂與子沉杖屨行三千里脚
為流血無幾微見顏色至春陵遠近來學者
甚衆愛之者謂宜謝絕生徒元定曰彼以學
來何忍拒之若有禍患亦非閉門塞竇所能
避也以書諭熹曰間關萬狀然自反而縮殊
覺怡然貽書訓諸子曰獨行不愧影獨卧不
愧衾勿以吾得罪而自懈也居二年以疾卒
及歸墓熹誄之曰精詣之識卓絕之才不可
屈之志不可窮之辯不復可得而見之矣佐
胄既誅追贈迪功郎賜諡文節所著有大學
詳說律呂新書燕樂原辨皇極經世太玄潛
虛古要洪範解八陣圖說陰符經解運氣節
畧脉書及雜說若干卷傳于世

劉燭字晦伯建陽人與弟炳同受學于朱熹呂
祖謙第進士調山陰簿慶元中通判潭州未
上下父艱偽學禁興與熹講道武夷築雲莊
山房為終隱之計寧宗初知德慶府提舉廣
東茶鹽司嘉定二年召赴行在除尚書左郎
官請節內外冗費以收楮幣又言願於經筵
講讀反覆問難以求義理之當否與政事之

得失遷國子司業言於丞相請以熹所著論語大學中庸孟子之說以備勸講疏乞罷偽學之禁以息邪說正人心又請以熹白鹿書院學規頒示太學又乞取熹四書集註刊行之俾學者知所向除權刑部侍郎遷國子祭酒兼太子左諭德時廷臣爭務容默燾奏願詔大臣崇獎忠讜以作士氣深戒諛佞以肅具僚冬雷乞遴選監司以考察貪吏為先訪求民瘼有澤未下流未便民者悉以實上變而通之權工部侍郎應詔上封事曰上既開

不諱之門下必有盡言之士指陳時政之得失明言朝廷之是非或者以為好名要譽而陛下聽之權工部尚書每講讀至經史所陳聲色嗜欲之戒懇切再三數陳之年七十耳去章凡二十上許之卒贈光祿大夫謚文簡燾每夜斂衽默坐虛心省察嘗曰夜半事物俱靜志氣俱定是君子思慮經綸之時故其晝之所為夜之所思也又患學者有名無實記天台四先生祠曰學者當窮理以致其知反躬以踐其實若趨其名以為高入乎耳出

乎口者皆先生之罪人也所著有奏議史稿
雲莊外稿續稿經筵故事講堂故事東宮詩
解禮記解四書集成并文集遺錄等書行於
世

蔡沉字仲默建陽人元定子也從朱熹遊屏去
舉子業一以聖賢為師熹晚年訓傳諸經畧
備獨書未及為乃以屬沉洪範之數學者久
失其傳元定心獨得之未及論著曰成吾書
者沉也沉受父師之託沉潛反覆者數十年
始克成書往往有先儒所未發者初沉從元
定謫道州跋涉數千里道楚粵窮僻處父子
相對常以義理自怡悅元定歿徒步護喪以
還年僅三十絕意仕進隱居九峯當世名卿
將薦用之沉不屑就卒謚文正

國朝正統間詔從祀孔子廟庭成化三年追封崇
安伯

真德秀字景元一字希元浦城人第進士復中
博學宏詞科嘉定間除太學博士上疏言自
韓侂胄專政以偽學斥忠良今當改絃正宜
褒崇名節明示好向除正字校書郎尋除秘

書著作佐郎言金有必亡之勢亦可為中國
憂蓋金亡則上恬下嬉憂不在敵而在我除
起居舍人史彌遠方得政力乞補外除秘閣
脩撰江東運副時金為蒙古所攻勢將亡朝
廷猶與通聘德秀朝辭奏國耻不可忘鄰盜
不可輕幸安之謀不可恃導諛之言不可聽
至公之論不可忽改知泉州十三年除集英
殿脩撰知隆興府江西安撫丁內艱築西山
精舍與朋友講學十六年除寶謨閣待制知
潭州湖南安撫十七年兼權轉運副使理宗
立召為中書舍人兼侍讀擢禮部侍郎直學
士院兼脩國史院脩撰入見言雪川之變非
濟王本心前有避匿之迹後聞討捕之謀情
狀灼然願討論封秦王故事以興滅繼絕嘗
因經筵進說謂惟學可以明此心惟敬可以
存此心惟親君子可以維持此心每進鯁言
上皆虛懷聽納史彌遠諷言官論罷之歸至
精舍脩讀書記曰此人君為治之門也紹定
中除徽猷閣待制知泉州彌遠死除福建安
撫尋召為戶部尚書辭不允除翰林學士知

制誥兼侍讀進所著大學衍義拜叅知政事
方踰月以疾力丐祠除資政學士提舉萬壽
宮卒謚文忠德秀立朝不滿十年奏疏無慮
數十萬言皆切當時務直聲震朝野及宦遊
所至惠政深洽中外交頌時相益以此忌之
其學一以朱熹為宗以毋自欺為本以至誠
為極致論文必以明理義關教化為主自偽
學之名立近世大儒之書皆禁絕德秀晚出
獨慨然以斯文自任講習而服行之黨禁既
開而正學遂明多其力也所著又有西山甲

乙稿對越甲乙集經筵講義端平廟議翰林
詞草及編集文章正宗諸書

國朝正統間詔從祀孔子廟庭成化三年封浦城

伯子志道仕至戶部侍郎

熊禾字去非號勿軒一號退齋建陽人登咸淳
三年進士第任寧武州司戶入元不仕吏書
入山築洪源書堂以講周公孔子之說於熹
諸書是從是行學者從之甚衆後歸故山創
鰲峯書堂以周程張朱五賢為道統之的傳
因祠以侑聖師而邵馬不與復大肆力於聖

賢之學嘗與胡庭芳論學謂秦漢以來天下
所以無善治者儒者無正學也儒者所以無
正學六經無完書也六經無完書則學不可
得而講矣儒者無正學則道不可得而明矣
嘗取易詩書春秋四書小學皆為之集疏而
以三禮傳義屬之庭芳又取熹諸書擇其至
精要者為一編曰文公要語又所著有大學
尚書口議春秋通解大學廣義易講義書說

四書標題諸書行世

一本以未輯翰
墨全書非是

建寧府志卷之二十三

建寧府志



臺灣國家圖書館, NATIONAL CENTRAL LIBRARY, TAIWAN. R.O.C.

建寧府志卷之二十八

人物

良吏



雷機字子樞建安人德潤之子十歲能詩賦十二著明經解題弱冠部使者舉其才擢為邵武儒學教諭登延祐五年進士第授將仕郎古田縣丞遷文林郎邵武經歷長官有怙勢撓政者機每命吏抱案牘升堂與之辯曲直郡政賴以持平再調興化縣尹邑之賦役不

均機乃令民首實而品第之日更吏主牘一
邑稱服他邑民困於役者爭請於郡願得雷
縣尹平之人呼為雷神歷湖廣儒學提舉改
延平路推官尤溪有繫囚三年弗直逮繫二
十餘人機被檄讞覈得實而決遣之順昌舟
人謝乙因覆舟而取貨獄成父子皆坐死機
曰彼首謀者父也乃白憲司罪其父而杖遣
其子沙縣織匠陳丙鬪傷誤殺按入其罪十
年不能決機為平之南平縣僧殺寺主僧逮
繫其徒年方九歲亦論死淹禁十年機白其

事于奉使宣撫請坐僧而釋其徒平反冤獄
大率類此再調惠安縣尹建立社學廣延明
師以教邑之子弟減公田折收之半及代還
民相率保留不得立像生祠之調汀州路推
官築郡城以捍亂改授翰林院待制朝散大
夫卒于官年五十有八所著有龍津稿易齋
藁黃鶴磯藁碧玉環藁龍山藁鄞川藁環中
藁共五十餘卷

鄭昉字德華浦城人歷翰林國史院檢討至正
中為福建行中書省左丞昉醞藉儒雅巡歷

所至興學勸士輿論歸之

國朝

江鐵字志堅建安人登永樂甲申進士選為庶吉士預修永樂大典拜監察御史陞浙江按察司副使持法嚴明獄無冤滯得憲臣體轉廣東叅政卒

江貞字彥清建安人登永樂甲申進士除禮科給事中挺挺敢言面常紅赤色一日奏對

上疑其被酒貞不敢辯遂謫充都察院吏久之

上悟除浙江龍游縣知縣為政不苛有惠及民民甚

德之卒于官

雷鏖字有融建安人填族子也登永樂戊戌進士選為庶吉士授雲南道監察御史巡按雲南考察藩臬以下官員無少假貸奏戮內臣採辦害政者一十九人時守帥頗驕蹇不法每以厚利啗巡歷者無不入其籠絡鏖分毫無所取守帥懼預遣人構之於京及鏖復命坐言語不正出為蕪湖知縣都御史顧佐素嚴毅慎許可特薦鏖于

朝陞浙江按察司僉事時處州草寇葉宗留竊發

鏖設計勦滅之

勅巡視浙江福建江西三省海道許便宜行事未幾卒鏖居官清謹所至有冰蘖聲既卒浙人作詩哀之有除却數函書籍外別無一物載歸舟之句

連均字士平建安人登永樂乙未進士除雲南道監察御史

勅巡浙江海道以功擢江西右叅議嘗督武定州軍餉規措有方陞四川左叅政甚著威惠再陞江西右布政使卒年八十二均謙謹和緩

於物無忤外和柔而內不可撓歷官四十餘年身無羨衣家無增業宅舍僅蔽風雨子孫僅免飢寒子鐸為國子監生銳領鄉薦皆未及授官而卒

張崇字存高建安人永樂中由監生授蕭山縣知縣為政仁恕有循吏風秩滿陞撫州通判轉處州所至有清操致仕卒于家

劉福字崇善建安人登正統壬戌進士除監察御史歷官四川按察僉事陝西按察副使河南按察使所至持憲嚴明人不敢犯陞浙江

布政使

朝議擬陞都御史以歲造不稱左遷陝西按察使卒于官福慶家篤於恩義宗族貧乏者收養之甥女無依出已貲嫁之鄉邦以是稱其為長者

黃仲芳字時茂旣寧人登永樂乙未進士選為庶吉士授東陽縣知縣民素健訟仲芳以公平正大馭之鋤治豪民二人奸吏一人訟為之息有三虎晝出縣治為害仲芳為文與神檮躬督民捕之首斃其一餘皆遁去歲旱開

塘堰二十餘所積水灌溉秋獲有收公署書大書務存公道不順私情八字以杜私謁用薦超陞湖廣左叅議施州土官有弑兄而鬻其位者捕久弗獲仲芳以計擒之陞貴州右叅政時蠻夷繹騷師徒乏餉仲芳

奏開鹽法以蘇釀運日方汲汲視事而疾已亟延囑其寮案曰吾方欲與諸公戮力邊疆以報君上不意至此撫安之任在公等矣遂卒年五十有九仲芳典雅剛方深惡佛老家其徒未嘗與之面覲所著有澹菴集旬宣集琴堂日錄薇

垣日錄子澄領弘治己酉鄉薦

滕康字景晉甌寧人領永樂庚子鄉薦除淞江府通判改惠州廉勤嚴慎所在稱治惠民苦於虛稅而田為奸豪所得康悉為覈實歸正民感其德爭持金為謝一無所取郡嘗厄於洪水而稅糧應海運康曰是不可使水益深也力為申請民得近輸正統己巳廣州盜起竭力脩城塹嚴備警與民固守且慮郊居之民無以為備乃於城東隅易治淳梁使有警則由此入城會牒報賊至郊民果賴以濟

臬交章薦之就陞惠州府知府人至今思之

陳琪字良玉甌寧人永樂初由監生除真隸常州府通判嘗部丁夫後天壽山會

車駕臨幸視役事懈弛怒甚杖總督成山侯三十同事者懼有非常處分或致自殞有恐琪者琪曰家有八十老親豈可自經溝瀆更遺其累乎竟不為動翌日有

旨但如前杖而已有豪猾周姓者挾持郡邑以厲民官吏莫敢誰何琪庶得其不法事杖死于庭郡人歡聲動地望府拜舞者逾月富室顧

山周氏私語人曰陳西野若款我一杯茶即當壽以千金或以告其陽若不聞而亦不峻絕之未幾被檄修理河道乃召周氏諭之曰吾嘗聞若欲壽吾以千金與其私吾一人孰若公於衆人今孟瀆隄崩塌為甚吾勸若一杯酒若肯為吾辦此乎周諾而退閱數月河涯石甃堅緻遂成經久之計請文立石表之秩滿民相率詣

闕保留特進秩奉直大夫協正庶尹仍通判常州府事後以眼疾乞歸卒年七十七

吳文元字善長甌寧人智子登成化丙戌進士選除江西道監察御史奉

命巡按浙江禁姦革弊無所顧忌時歲當鄉試鎮守內臣李義勢饒可畏力為所私生員干入試同事謂宜姑就之文元正色拒之曰薦賢為國非敢私也摘所干者姓名斥出之杭城大火民不堪甚文元發倉助民食給木植與為居民賴以安陞浙江按察司副使巡視海道總督武備兼理邊儲等事先是所轄衛所歲有科歛浸潤之弊又勢家違禁造巨艦泛

海引惹邊釁上下莫敢誰何文元力加禁絕
補首惡繩以重法又建議海道便宜十事皆
切中時弊

上命巡視大臣議行之薦陞河南按察使尋有

旨致仕文元端重詳雅居官務存大體不察察以
為明於權要未嘗一通書問以故官久不調
既謝事自號今是翁杜門養高日以觴詠為
樂家庭尤篤恩愛處鄉里恂恂然見之者無
問識與不識知其為寬厚長者云卒年六十
有三

陳遜字必恭浦城人號古朴子登進士任監察
御史廉介有直聲陞雲南叅政尋陞右布政
使卒于官囊無遺貲都督沐昂為棺殮歸其
喪嘗自贊畫像有曰天地氣性父母肌膚至
尊至貴可不慎夫臨深履薄戰兢自圖亦可
見其為人矣

張善字性之浦城人莊靜警敏登永樂辛丑進
士拜監察御史以廉介自持出按廣東馬軍
林思祐倚權肆剽掠害民滋甚善捕其黨三
十餘人寘諸法尸思祐于市民賴以安正統

間以疾

賜告尋乞致仕

徐奇字以正浦城人添祿子領洪武己卯鄉薦
選授戶科都給事中封駁章奏物論重之永
樂二年特陞江西布政以任大辭又

命為福建布政以本貫辭於是改授廣東右布政
使政尚寬簡旬宣所歷庭無留訟未幾以憂
去哀悴而卒

劉童字良能建陽人好學力行登永樂戊戌進
士除湖廣寧遠縣知縣以廉能著聲觀風者
薦其才畧出群以嘗忤時相事竟寢陞江西
布政司經歷尋陞雲南蒙化州知州致仕卒
童號稱循吏以鯁直不屈遂至坎坷終其身
士論惜之

方直字孟周崇安人洪武間由生員任江西萍
鄉縣典史調豐城縣除革奸弊以廉能著稱
召入文淵閣預纂脩陞浙江海寧縣知縣調河南
新昌縣尋以當道者薦授浙江道監察御史
斥奸屏邪不避權勢竟以是見沮出為江西
新喻縣知縣致仕卒

姚志字伯啓崇安人由監生歷事吏部有
旨選才幹士為民牧遂以志為直隸東鹿縣知縣
時兵事初息民未復業志勸課農桑通商貿
易勞來撫綏不倦逾年而戶口增田野闢幾
復承平之舊秩滿部民詣

闕乞留三年告歸行之日民留其故靴以識德乳
獨之人感其惠披鞍當道以送之卒年八十
有三

彭僖字樂善崇安人少負才氣由監生授崇德
縣縣丞縣當水陸之衝民繁事殷號稱難治
僖以廉勤佐令治績著六載乞歸老得
之不可得相率裹糧浮舟送至錢塘江泣別
而還

吳璠字士瑜政和人球十一世孫蚤受學于孝
友先生余應洪武間由監生除常州府推官
鞠獄推誠使囚自引咎甘服不事拷掠廉仁
之譽播于畿輔再考卒于京邸樞過常州郡
民爭先哭奠

黃童字士穉政和人由監生擢陝西僉事左遷
寧遠縣丞

太宗皇帝即位陞監察御史巡按直隸吳江縣平望八尺素多盜童假為商乘船載米宿平望賊舟至童密以灰水灑之翌日驗有灰跡者捕之悉得真盜蓋即巡檢司弓兵也仍奏置石堤於湖中為水門以時啓閉劫掠之患遂息嘗道見一大蛇頓首而去童令人尾之抵一人家後園入穴內掘之果得殺人狀人以為神後陞廣西按察副使卒于官

建寧府志卷之二十八

建寧府志卷之二十九

人物

忠烈 死事附

宋

曹覲字仲賓建安人後叔脩古以蔭補建州司戶叅軍皇祐中以太子中舍知封州儂智高侵境州人未嘗知兵士卒纔百人又無城守或勸覲遁去覲正色叱之曰吾守臣也有死而已敢言避賊者斬麾都監陳擘引兵迎擊擘敗走遣妻子避民間覲率從卒決戰不勝

太宗皇帝即位陞監察御史巡按直隸吳江縣平望八尺素多盜童假為商乘船載米宿平望賊舟至童密以灰水灑之翌日驗有灰跡者捕之悉得真盜蓋即巡檢司弓兵也仍奏置石堤於湖中為水門以時啓閉劫掠之患遂息嘗道見一大蛇頓首而去童令人尾之抵一人家後園入穴內掘之果得殺人狀人以為神後陞廣西按察副使卒于官

建寧府志卷之二十八

建寧府志卷之二十九

人物

忠烈 死事附

宋

曹覲字仲賓建安人後叔脩古以蔭補建州司戶叅軍皇祐中以太子中舍知封州儂智高侵境州人未嘗知兵士卒纔百人又無城守或勸覲遁去覲正色叱之曰吾守臣也有死而已敢言避賊者斬麾都監陳擘引兵迎擊擘敗走遣妻子避民間覲率從卒決戰不勝

被執賊或勿殺梓使之拜且誘之曰從我得
美官付汝兵柄以女妻汝觀言之曰人臣惟
北面拜天子我豈從爾苟生邪辛速殺我賊
徙置舟中覲不食者三日探懷中印授從卒
曰我且死若求間道以此上官賊知其無降
意殺之投屍江中至死諾賊聲不絕時年三
十五妻劉氏聞其死曰吾不可行於賊自經
而死事聞贈覲太常少卿謚忠肅妻彭城縣
君錄其四子廣南安撫使田瑜為立廟封州

詳見宋史本傳

魏行可字當時

甌寧人

建安人自幼機敏日記

萬言恒以立身揚名為孝子事建炎二年詔
求專對之才行可以大學生應募見上流涕
曰四郊多壘卿大夫辱也臣不敢愛死遂補
右奉議郎假朝奉大夫禮部侍郎充河北軍
前通問使兼河北京畿撫諭使時河北賊李
晟等衆六十餘萬見使旌官引去行可因諭
降之過東京留守語行可曰虜舅王策方此
拘囚宜取首帶行行可不顧即日渡河見金
人于澶淵因留不遣屢欲殺之行可語其屬

曰誰無死為國死猶生也凡兩遺虜書言罷
真通好之利不戢自焚之禍且言舉中原與
劉豫劉氏何德趙氏何罪亟以還趙氏賢於
奉劉氏萬萬也虜益知其忠義不忍加害後
逼以仕行可泣辭至再三廼仰天號慟曰吾
忍屈膝事異類飲醜而死紹興中贈朝奉郎
秘閣修撰官其家四人行可在虜中有詩曰
萬里心馳懷故國千行淚灑望行宮孤臣不
死忠誠在為報無忘此犬戎

詳見宋
史本傳

魏孝友字移可甌寧人卓犖不羈弱冠入太學

欽宗初應詔論時政得失凡十餘疏莫不鏗
切太學生陳東伏闕言事執政欲寘東於獄
孝友上書辯其非罪大臣謂孝友黨其罪將
加重譴上獨明其忠曰此直言也何傷金人
犯闕欽宗留軍前未返孝友因人情之不堪
作長歌一篇感慨淒惻傳播虜營又作書詣
精罕營辯之伏地軍門兩日不得達有別將
取孝友書觀之曰此前日作歌學士也慰諭
使去傅亮勤王檄孝友為幕府從事迎高宗
于南京及即位授迪功郎定遠令時有群寇

犯縣境孝友部兵出戰會其僚先遁孝友孤
軍弗能支遂遇害詔贈朝奉郎官其一子

黃璘字邦美浦城人登政和八年進士調拱州
襄邑縣丞靖康元年金人再犯關分兵襲拱
州驅迫郡縣吏使爲鄉道璘獨移病不出賊
從之行遂赴井而死時年四十建炎初搜訪
死節士詔贈朝奉郎官其一子

潘中字民極浦城人登崇寧中進士歷官知長
溪縣建炎丙午二帝北狩中拜詔涕泣交頤
見者皆為感慟又作詩五章以泄忠憤辭極

悽惋會建卒葉懷叛中慮其迫境團結民兵
號忠義社以備之明年賊勢益張寧德縣令
遺書告急中夤夜赴之冒險以戰遂為所執
寇聞其名脅之使從中叱之曰汝受朝廷給
賞養父母妻子輒肯孤恩背叛我恨不斬汝
萬段肯與汝俱生邪遂遇害事聞贈朝請大
夫官其二子

徐夢發浦城人與兄華老同登嘉熙二年進士
累官至朝議大夫廣東招捕使居官二十八
年平恕仁慈未嘗一息忘忠孝凡討捕所至

靡不望風來附丙子歲元兵下江南夢發守
仙霞關龍兵猝至左右皆潰夢發獨踞坐大
詔遂遇害咬都聞之誅其加害者數人舉其
子義授以平安軍同知

陳洙字思道建陽人登慶曆二年進士歷知長
溪烏程二縣皆有聲績累遷殿中侍御史裏
行嘉祐中知諫院司馬光上疏乞選宗室為
皇儲章留中未下後旬日洙趣光再言之光
以為幸勿匆匆俟聖主自發德音乃為善爾
洙曰若俟人主自言當在何時遂上疏極言

東漢末崔儲不發之患杜喬李固徒取誅戮
無益於事且云陛下以臣為懷異日之圖莫
若殺臣之身用臣之言疏既上即仰藥以卒
大策因而遂定仁宗聞洙死詔賜其家錢百
萬元祐初司馬光以為言官其一子

劉頌建陽人與詒同祖紹興間廣州盜綦毋謹
和尚陷三水鎮時為廣州叅謀帥兵勦捕
後為淮東提刑金主亮趨淮東頌死之

呂祉字安老建陽人宣和初上舍釋褐建炎初
召除刪定官明年監鼓阮除右正言疏論致

治以聰明為本人主當專委任望下詔宣德
意以鼓動士氣開正路杜私門則中興之業
可圖又奏若言官因論大臣左遷後日大臣
行事失當誰復敢言居兩月奏疏凡六十上
烈興初召為淮南宣參未至言今日荆楚之
地不可不宿重兵以固上游之勢改直龍圖
閣知建康首論治道之要先自治而後治人
兵家之法先為不可勝以待敵之可勝條具
十事以進又與吳若陳充講求東南防守事
等論四篇上之金人攻淮江左戒嚴社再上

章極陳守禦利害且乞親御六師於是降詔
親征車駕至平江虜已遷去悉如社策累遷
刑部侍郎都督府參議軍事劉豫分兵入寇
或請車駕回臨安社獨抗言士氣當振賊鋒
可挫不可遷退以示弱上命社視師江上馳
入劉光世軍督戰俘馘殆盡遷兵部尚書都
督府參謀軍事往合肥護諸將還朝會王德
除都統制鄺瓊副之瓊耻受節制交訟于社
密以奏聞瓊等聞王德留都督府且錫子甚
厚皆缺望謀叛遂劫社渡淮降劉豫至三塔

距淮三十里社下馬曰劉豫逆臣我何為見
之死則死於此更不去也瓊令人縛社馬上
社翻身大罵曰我不比你幾箇負國賊天地
不蓋載我不去又謂其下曰你軍中豈無一
箇英雄入劉豫逆臣你不要隨羈瓊去衆頗
感動環立不行瓊恐搖動衆心急策馬先渡
令王師晟等善社時有得公括髮之帛歸吳
中者其妻吳氏待之自盡以殉後張宗元往
廬州招叛卒得其事以聞特贈資政殿大學
士慶元間詔立廟其地賜額忠顯

詳是宋史本傳及言

行續錄

劉純字君錫建陽人少喜騎射以父蔭為沙縣
主簿紹定間調湖北帳幹聞邵武寇起迫近
鄉邑歸散家財招募義勇為討賊計守王遂
請于朝命純知邵武縣將所部兵并收郡之
散卒軍勢大振詔旃其軍曰忠武建守趙訪
夫乞移其軍往擊賊俘獲甚衆賊首劉安國
亦就擒翌日純卒兵往招降下瞿賊為賊所
得不屈死之後有軍自賊寨歸言純死時備
極慘毒事聞贈朝散郎加謚義壯仍立廟於

邵武麻沙賜額忠烈

朱浚字深源建陽人熹曾孫仕至朝散大夫右文殿脩撰兩浙轉運使兼吏部侍郎廣王丙子元軍至福安州王剛中以城降浚不屈服藥而死

劉韜字仲偃崇安人民先仲子登元祐九年進士累遷中大夫集英殿脩撰改陝西漕使夏人攻震武韜攝帥鄜延出奇擣之解其圍夏人願納欵衆以為詐韜獨明其不然密疏以聞詔許之西邊遂安尋丐祠除徽猷閣待制

提舉崇福宮起知越州方臘陷杭陞越州大震官吏悉遁或具舟請行韜曰吾為郡守當與城存亡益勵戰守備寇至城下擊敗之拜述古殿學士召為河北河東宣撫叅謀官時朝廷用童貫蔡攸議與金人夾攻契丹韜以為與夷火同事非計徙知真定府改福州加延康殿學士尋落職會湖北盜起復起為真定帥單騎赴鎮招諭賊首紮宏至扣頭服罪一路遂平郭藥師來降請馬以益其軍韜曰不惟擾民空內郡之馬付一降虜非國之利

奏罷之金人謀南牧韜謀得實急以聞且陰
治城守以待變後金兵抵城下知有備而退
拜資政殿學士充河東河北宣撫副使太原
陷召入為京城四壁守禦使欵欵師以緩虜
謀宰相沮罷之京城不守虜知韜名必欵得
之宰相給以割地遣韜使金營金人命僕射
韓正館之僧舍正曰國相知君今用君矣韜
曰偷生以事二姓有死不為也正又曰軍中
議立異姓宜與家屬西去取富貴韜仰天大
呼曰有是乎歸召指使陳灌等曰虜乃欵用

猶僵立張弓挾矢瞑目列眦人初不覺其死也吉人為之立廟子伯寬以父澤補官終欽州巡檢

元

雷燦字景星機子建安人領浙江鄉薦任泉州路塗嶺巡檢舉義兵死之贈將仕郎上杭主簿官其子壻為塗嶺巡檢今祀于府學尊賢堂

國朝

雷潛字孔昭建安人領宣德壬子鄉薦正統初

臺灣國家圖書館 NATIONAL CENTRAL LIBRARY, TAIWAN, R.O.C.



除兵部武選司主事陞工部屯田司郎中正
統己巳

扈從北征死于土木之難

賜誥褒贈錄其子文英入國子監除雲和縣丞
滕員字尚默甌寧人領宣德己酉鄉薦正統己
未除廣東韶州府同知有賢能聲以憂去服
闋轉禮部祠祭司郎中正統己巳

扈從北征死于土木之難

賜誥褒贈且贈父如其官母妻皆安人錄其子弘
入國子監除邵陽縣知縣

馮宣字文昭甌寧人生有膂力走及奔馬正統
戊辰沙尤盜熾取道建之吉陽以邀截驛路
宣與鄉人羅佛童范宗南范永清糾集鄉衆
奮先攻之斬馘無算驛路遂通明年知府張
瑛征勦高陽餘寇宣隨行至大湖嶺遇賊衆
駭皆奔宣獨手殺數人後無繼者力屈而死
羅佛童字均善甌寧人有膽力重然諾正統戊
辰與馮宣范宗南等協力糾衆拒賊使驛路
無壅佛童有力焉明年又與馮宣隨征高陽
餘寇至大湖嶺遇賊陷陣而死事

聞

朝廷褒其功賜其子善真冠帶

建寧府志卷之二十九

建寧府志卷之三十

人物

風節

宋

葉默字彥思建安人元豐中進士徽宗朝為宗
正丞累官至朝議大夫知泗州詔改宣梵院
為神霄宮默奏疏極論漢唐之主崇信方士
廣建真館使民力困於興作財用廢於土木
非所謂我無為而民自化我好靜而民自正
明道闡教為生民福也疏入謫郴州後復官